


雲門廣錄 中



漢書門類			
三	三	三	三
冊	架	函	號
		九	〇

內閣文庫			
三	三	三	漢
一	三	三	書
函	〇		
架	冊	號	類

內閣文庫			
番號	漢	3330	
冊數	3 (2)		
函號	311	18	



Kodak Gray Scale
A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



雲門匡真禪師廣錄卷中

門人明識大師賜紫守堅集

室中語要一百八十五則

垂示代語二百九十則

室中語要

師示眾云畫十方世界乾坤大地以拄杖一畫百雜碎三乘十二分教達磨西來放過即不可若不放過不滴一滴

師示眾云西天二十八祖唐土六祖天下老和尚搥在拄杖頭上直饒會得個儻分明祇在半途若不放

過盡是野狐精

師一日云古來老宿皆為慈悲之故有落草之誥隨語識人若是出草之誥即不與麼若與麼便有重誥會語不見仰山和尚問僧近離甚處僧云廬山仰山云曾遊五老峰麼僧云不曾遊仰山云聞黎不曾遊山師云此語皆為慈悲之故有落草之誥師有時云若言即心即佛權且認奴作即生死涅槃恰似斬頭覓活若說佛說祖佛意祖意大似將木槌子換却你眼睛相似

舉古云聞聲悟道見色明心師云作麼生是聞聲悟

道見色明心乃云觀世音菩薩將錢來買餠餅放不手云元來祇是饅頭

師有時云燈籠是你自己把鉢盂噉飯飯不是你自己有時便問飯是自己時如何師云若野狐精三家村裏漢復云來來不是你道飯是自己僧云是師云驢年夢見三家村裏漢

師有時云真空不壞有真空不異色僧便問作麼生是真空師云還聞鐘聲麼僧云此是鐘聲師云驢年夢見麼

舉疎山和尚問僧什麼處來僧云嶺中來山云曾到

雪峰麼僧云曾到山云我也前到時是事不足如今
作麼生僧云如今足也山云粥足飯足無語師云粥
足飯足

舉孚上座參雪峰峰聞乃集眾孚到法堂上顧視雪
峰便下看知事明日却上禮拜云某甲昨日觸忤和
尚峰云知是般事便休時有僧問師作麼生是觸忤
和尚處師便打

舉僧問資福古人拈槌豎拂意旨如何福云古人與
麼那僧云拈槌豎拂又作麼生福便喝出師云古人
是什麼眼目僧云和尚作麼生師云駝羊會麼僧云

對師後召僧来来僧近前師以拂子驀口打

舉三平頌云即此見聞非見聞師云喫什麼作見聞
無餘聲色可呈君師云有什麼口頭聲色箇中若又
全無事師云有什麼事體用無妨分不分師云語是
體體是語復拈起拄杖云拄杖是體燈籠是語是分
不分不見道一切智智清淨

舉一宿覺云幻化空身即法身師拈起拄杖云盡大
地不是法身

舉僧問趙州某甲入叢林乞師指示州云喫粥了
也未僧云喫粥了也州云洗鉢盂去師云且道有指

示無指示若道者指示向他道什麼若道無指示者
僧何得悟去

拳僧問雲峰乞師指示峰云是什麼其僧於言下大
悟師云雲峰向伊道什麼

師有時云平地上死人無數過得荆棘林是好手僧
云與麼則堂中第一座有長處也師云蘓嚕嚕嚕
拳無情說法忽聞鐘聲云釋迦老子說法也驀拈起
拄杖問僧者箇是什麼僧云拄杖子師云驢年夢見
師一日云三家村裏賣卜東卜西卜忽然卜著也不
定僧便問忽然卜著時如何師云伏惟

師有時云大用現前不在則僧便問如何是大用
現前師乃拈拄杖高聲唱云釋迦老子來也

師有時以拄杖打火鑪一下大眾眼目定動師乃云
火鑪教跳上三十三天見麼見麼衆無語師云無智
从前莫說打你頭破百裂

師有時云看看法身變作燈籠起佛越祖之談從你
脚跟下過也僧云脚跟下認得時如何師云鈍置殺
我僧云與麼則迴然不在者裏也師云十萬八千
舉槩山語云光境俱忘復是何物師云直饒與麼道
猶在半途未是透脫一路僧便問如何是透脫一路

師云天台華頂趙州石橋

拳仰山云如來禪即許師兄會僧便問如何是如來
禪師云上大人又拈起扇子云我喚作扇子你喚作
什麼僧無語師云扇子上說法燈籠裏藏身作麼生

僧却問如何是和尚禪師叱云元來祇在者裏

舉雪峰喚僧近前來僧近前峰云去師舉了問僧你
作麼生道得又手向你若道得又手向予見雪峰

舉三祖云一心不生萬法無咎師云祇者裏悟了乃
拈起拄杖云乾坤大地有什麼過

舉一宿覺云一切數句非數句與吾靈覺何交涉師

云行住坐卧不是靈覺喚什麼作數句

拳繫山云光境俱忘復是何物師云東海裏藏身須
彌山上走馬復以拄杖打牀一下大眾眼目定動
拈拄杖趁散云將謂靈利者添桶

舉僧問乾峰十方薄伽梵一路涅槃門未審路頭在
什麼處峰以拄杖劃云在者裏師拈起扇子云扇子
教跳上三十三天築著帝釋鼻孔東海鯉魚打一棒
兩似盆頭相似會麼

師有時云諸方拈槌豎拂云會麼但云莫壓良為賊
却云是是待伊擬議便打

舉教云心生種種法生心滅種種法滅乃拈起拄杖云重多少僧云半斤師云驢年夢見

舉夾山語云百草頭上薦取老僧師合掌云不審不審又以拄杖指露柱云夾山變作露柱也看看

舉仰山問僧近離甚處僧云向南山拈起拄杖云彼中還說者箇麼僧云不說山云不說者箇還說那箇麼僧云不說山召大德參堂去其僧便去山復召其僧僧應喏山云近前來僧近前山便亦師云仰山看無後語爭識得人

舉雪峰喚僧近前來僧近前峰云甚處去僧云普請

去峰云去師云此是隨語識人

舉參同契云回互不回互師云作麼生是不回互乃以手指板頭云者箇是板頭作麼生是回互師云莫什麼作板頭

舉見聞覺知無障礙聲香味觸常三昧師云一切處不是三昧行時不是三昧有處云聲香味觸體在一邊聲香味觸在一邊見解偏枯

舉夾山坐次洞山到來云作麼生夾山云祇與麼師代洞山云不放過又作麼生代夾山便喝師又拈夾山云祇與麼元來祇在蝦蟇窟裏又云祇與麼也難

得

舉祖師偈云法法本來法師云行住坐卧不是本來
法一切處不是本來法祇如山河大地與你日夕著
衣喫飯有什麼過又云法本法無法師拈起拄杖云
不是本無法

舉傳大士頌云空手把鋤頭步行騎水牛師云是你
從向北騎一頭水牯牛到這裏乃拈起拄杖云不是
道千頭萬頭到這裏但識取一頭

舉寶公云如我身空諸法空千品萬類悉皆同師云
你立不見立行不見行四大也溘不可得何處見者
山河大地來是你每日把鉢盂噉飯喫什麼作飯何
處更有一粒未來

舉一切聲是佛聲一切色是佛色師拈起拂子云是
什麼若道是拂子三家村裏老婆禪也不會

舉南方禪客問國師此間佛法如何國師云身心一
如身外無餘師云山河大地何處有也

師有時云要識祖師麼以拄杖指云祖師在你頭上
教跳要識祖師眼睛麼在你腳跟下又云這箇是祭
鬼神黍飯然雖如此鬼神也無歷足

師有時云若說菩提涅槃真如辭脫是燒楓香供養

你若說佛說祖是燒黃熟香供銀你若說起佛越祖
之談是燒餅香供銀你歸依佛法僧下去

師一日拈起拄杖舉教云凡夫實謂之有二乘將謂
之無緣覺謂之幻有菩薩當體即空乃云衲僧見拄
杖但喚作拄杖行但行坐但坐極不得動著

舉夾山語云百草頭上薦取老僧鬧市裏識取天子
又云一塵纒起大地全收

舉雪峰云三世諸佛向火燄上轉大法輪師云火燄
爲三世諸佛說法三世諸佛立地聽

師因喫茶了拈起盞子云三世諸佛聽法不盡鑽後

盞子底下去也見麼見麼若不會且向多年曆日裏
會取

舉盤山語云光非照境境亦非存光境俱忘復是何
物師云盡大地是光喚什麼作自己你若識得光法
境亦不可得有什麼屎光境光境既不可得復是何
物又云此是古人慈悲之故重話會語者裏個儻分
明去放過即不可若不放過復舉手云蘓盧蘓盧
舉傳大士云禪河隨浪靜定水逐波清師拈拄杖指
燈籠云還見麼若言見是破凡夫若言不見有一雙
眼在你作麼生會良久復拈拄杖云盡大地不是浪

師有時拈拄杖打牀一下云一切聲是佛聲一切色
是佛色你把鉢盂噉飯時有箇鉢盂見行時有箇行
見坐時有箇坐見者般底作與麼去就把棒一時趁
散

師有時拈起拂子云者裏得箇入處去捏怪也日本
國裏說禪三十天有箇人出來喚云叫叫特庫兒
擔枷過狀

舉古人道一處不通兩處失功兩處不通觸途成滯
師拈起拄杖云山河大地三世諸佛盡在拄杖頭上
有甚滯礙如今明也暗向什麼處去祇者明便是暗

一切衆生祇被色空明暗隔礙便見有生滅之法

舉一宿覺云六般神用空不空一顆圓光色非色師
拈起拂子云者箇是圓光是色非色喚什麼作色與
我拈將來看

舉夾山云百草頭上薦取老僧鬧市裏識取天子師
云蝦蟇入你耳朶裏毒蛇穿你眼睛中且向葛藤處
會取

舉十方薄伽梵一路涅槃門師云你若不識大舍國
裏人在你眼睫裏賣香藥

舉般若經云無二無二分無別無斷故師乃指露柱

云與般若經相去多少
舉經云經書咒術一切文字語言皆與實相不相違
背師拈拄杖云者箇是什麼若道是拄杖入地獄不
是拄杖是什麼

師一日拈拂子撼一下云日月星辰撲落地上見麼
良久起身云近後突著你眼睛

舉十方薄伽梵一路涅槃門師云者箇是屋上頭是
天手裏是拄杖作麼生是涅槃門

師有時云彈指馨欬揚眉瞬目拈槌豎拂或印圓相
盡是撩鉤搭索佛法兩字未會道著即撒屎撒

屎

舉瓦官參德山瓦官爲侍者同入山斫木德山將一
椀水與瓦官官接得便喫却山云會麼官云不會山
又將一椀水與瓦官官接得又喫却山云會麼官云
不會山云何不成禪取那不會底官云不會又成禪
箇什麼山云子大似箇鉄橛瓦官住院後雲峰去訪
茶話次峰云當時在德山會裏斫木因緣作麼生官
云先師當時肯我峰云和尚離先師太早其時面前
有一椀水峰云將水來官便過與雲峰峰接得便潑
却師代云莫壓良爲賤

因齋次將餠餅一咬云咬著帝釋鼻孔帝釋害痛復以拄杖指云在你諸人膝眼下變作釋迦老子見麼見麼闍羅王聞說呵呵大笑云者箇師僧相當去不奈你何若不相當搥在我手裏師有時以拄杖打林一下云你若見箇漢忽然者裏聞聲悟了一切山河大地日月星辰有什麼過舉洛浦云一塵纔起大地全收師云鳥窠拈布毛便有人悟去

因喫茶次舉一宿覺云三身四智體中圓八解六通心地印師云喫茶時不是心地印乃拈拄杖云且向者裏會取

舉僧問雪峰如何是觸目菩提峰云好箇露柱有處云還是露柱麼師拈起拄杖云有底體上會事見露柱祇喚作露柱有處道不見有露柱見解偏枯見露柱但喚作露柱見拄杖但喚作拄杖有什麼過舉僧問靈雲佛未出世時如何靈雲豎起拂子僧云出世後如何雲亦豎拂子師云前頭却實後底亦不著又云不說出不出何處有一問時節祇如雪峰夏末於僧堂前坐眾纒集峰拈起拄杖云者箇為中下根人便有僧問忽遇上上人來時如何峰拈起拄杖

師云我不似雪峰打破狼藉僧便問未審和尚如何
師便拈

拳僧問云沙如何是學人自己沙云是你自己師云
沒量大人被語脈裏轉却有僧問如何是學人自己
師云忽然路上有人喚袖僧齋你也隨例得飯喫
師因齋次拈起餠餅云我抵供艱江西兩浙人不供
艱向北人僧云為什麼祇供艱江西兩浙人不供艱
向北人師云天寒日短兩人去一椀

舉國師云南方佛法半生半滅此間身心一如身外
無餘師云喚什麼作身心一如又云汝等要識國師
底麼自代云不可辜負國師去也

舉蕭宗帝請國師看戲國師云有什麼身心看戲帝
再請國師云幸自好戲師云龍頭蛇尾

舉國師三喚侍者侍者三應國師云將謂吾辜負你
誰知你辜負吾師云作麼生是吾辜負你處你若會
得也是無端又云作麼生是侍者辜負國師處師云
粉骨碎身未報得

拳藥山問僧什麼處來僧云湖南來山云洞庭湖水
滿也未僧云未滿山云許多時雨水為什麼未滿雲
巖代云湛湛地洞山代云什麼劫中曾欠少師云抵

在這裏

舉雪峰云飯糶邊坐餓死人臨河渴死漢云沙云飯
糶裏坐餓死漢水裏沒頭浸渴死漢師云通身是飯
通身是水

舉僧問資福古人拈槌豎拂意旨如何福云叟師云
雪上加霜

舉僧問資福如何是一塵入正受福作入定勢僧云
如何是諸塵三昧起福云你問阿誰師云這阿師話
墮也不知又云前頭是葛藤又道你問阿誰
舉茶菓上堂云你諸人莫向虛空裏知撥時有靈虛

上座出衆云虛空是撥茶菓便打虛云和尚莫錯也
某甲莫便歸方丈師云屎上加尖僧云和尚適來與
麼道那師云槌鐘謝響得箇蝦蟇出來

舉僧問投子密巖意旨如何子云須是與麼人始得
趙州云何不與他本分草料師問僧作麼生是本分
草料僧擬議師便打

舉古云寂寂空形影師展兩手云山河大地何處得
也又云一切智通無障礙師云拄杖走到西天却歸
新羅國裏乃敲牀云這箇是你鼻孔

舉僧問夾山如何是道山云太陽溢目萬里不挂片

雲師云不嘆作一句不嘆作法身是什麼
僧問如何是學人自心師云老僧入泥入水僧云某甲粉骨碎身去也師喝云大海水在你頭上速道速道僧無語師代云也知和尚恐某甲不實
師有時云直得乾坤大地無纖毫過患猶是轉句不見一色始是半提直得如此更須知有全提時節
師有時云泡幻同無礙一切處不是幻一切處不是無礙

師有時云橫說豎說菩提涅槃真如佛性總是向下商量直得拈槌豎拂時節亦是橫說豎說對前頭猶

較些子僧問請師向上道師云大眾久立速禮三拜
舉崇壽問僧還見燈籠麼僧無語師代云推倒燈籠
舉趙州問僧什麼處去僧云摘茶去師云開口
舉法身說法青青翠竹盡是法身未是提綱拈掇時節

舉有為無三世無為有三世有為是斷滅法何處得三世無為有三世不是守寂處法

舉實學是葛藤言句拈槌豎拂時節於實學猶在半途

舉三種人一人因說得悟一人因嘆得悟第三人見

舉便迴去你道便迴去意作麼生復云也好與三十
棒

舉法身喫飯是剗肉作瘡將謂合有與麼說話
舉僧問雲居湛然時如何居云不流師云不流說什
麼湛然又云此是截鉄之言

舉藥病相治盡大地是藥那箇是你自己師云遇賤
即貴僧云乞師指示師拍手一下拈起拄杖云接取
拄杖子僧接得拗作兩截師云直饒與麼也好與三
十棒

舉翠巖夏末上堂云我一夏已來與師僧說話者翠

巖眉毛在麼保福云作賊人心虛長慶平生也師云
関師有時云不敢望你有逆水之波且有頂水之意
也難得乃舉良遂初參麻谷谷是來便去鋤草良遂
到鋤草處谷都不顧便歸方丈閉却門良遂連三日
去敲門至第三日纔敲門麻谷問阿誰良遂云和尚
莫瞞良遂若不来禮拜和尚洎被經論賺過一生師
云便有逆水之波如今得入是頂水之意亦喚作雙
放時節又云麻谷問阿誰良遂道莫瞞良遂不是識
破麻谷相見時節若不来禮拜和尚洎被經論賺過
一生亦知有賺人處自後良遂歸京辭皇帝及左右

街大師大德再三相番茶筵。良遂云：諸人知處，良遂
遂搖知。良遂知處，諸人不知。師云：作麼生？是良遂知
處。

舉心經云：無眼耳鼻舌身意。師云：爲你有箇眼見所
以言無不可。如今見時不可說無也。然雖如此，見一
切有什麼過？一切不可得有什麼聲香味觸法。

舉光明寮照徧河沙問僧：豈不是張拙秀才語？僧云
是師云：話墮也。

舉僧辭石霜霜問船去。陸去僧云：遇船即船。遇陸即
陸。霜云：我道半途稍難。僧無語。師代云：三十年後此

話大行。又云：臨行一句，永劫不忘。

舉生法師云：敲空作響，擊木無聲。師以拄杖空中敲
云：阿耶耶。又敲板頭云：作聲麼？僧云：作聲。師云：這俗
漢又敲板頭云：喚什麼作聲。

舉僧問石霜：教中還有祖師意麼？霜云：有僧云：如何
是教中祖師意？霜云：莫向卷中求。師代云：不得辜負
老僧，却向屎坑裏坐地作什麼。

舉石霜云：須知有教外別傳一句。僧問：如何是教外
別傳一句？霜云：非句。師云：非句始是句。

舉洞山云：須知有佛向上事。僧問：如何是佛向上事？

山云非佛師云名不得狀不得所以言非
舉洞山云塵中不染丈夫兒師云拄杖但喚作拄杖
一切但喚作一切

舉法身清淨一切聲色盡是塵纖語話不涉塵纖作
麼生是清淨又云作麼生是法身師云六不收又云
三十三天二十八宿

舉古云如我身空諸法空千品萬類悉皆同師云身
不可得一切諸法豈是有也所以古人道無情有佛
性又云無情不喚作法身說法

師有時云光不透脫有兩般病一切處不明面前有
物是一又透得一切法空隱隱地似有箇物相似亦
是光不透脫又法身亦有兩般病得到法身為法執
不忘已見猶存坐在法身邊是一直籠透得法身去
放過尋不可子細点檢來有什麼氣息亦是病

舉僧問國師如何是本身盧舍那國師云與老僧過
淨瓶來僧取淨瓶至國師云却安舊處著僧送安曰
處又來問如何是本身盧舍那國師云古佛過去久
矣師云無朕跡

舉僧問灌溪久嚮灌溪到來祇見箇沍麻池溪云你
祇見沍麻池且不識灌溪僧云如何是灌溪溪云劈

箭急師云何不與第一機祇對

舉韋監軍見帳子畫牛抵樹問僧牛抵樹樹抵牛無對師代云歸依佛法僧

舉老宿問僧聞說雪峰有毬子話是不僧云不見說著宿云聞說有僧云祇是師僧亂舉宿云不亂舉底事作麼生無對師代云某甲新到未曾參堂

舉佛問外道汝義以何為宗師代外道云者老和尚我識得你也外道云以一切不受為宗代佛云放過一著佛云汝以一切不受為宗耶代外道云者瞿曇莫教失却問

舉雪峰云畫大地是你將謂別更有師云不是楞嚴經云眾生顛倒迷已逐物若能轉物即同如來

舉教云諸法寂滅相不可以言宣師云見定如今說話何處有說不說不見道去不到去來不到來

舉一切真如含一切師云喚什麼作山河大地又云是諸法空相不生不滅不垢不淨

師或拈拄杖示眾云拄杖子化為龍吞却乾坤了也山河大地甚處得來

師或畫圓相云還有人出得麼

舉教云是法住法位世間相常住師云釋迦老子甚

處去也

舉僧問投子如何是此經子云維摩法華又問塵中
不深丈夫見時如何子云不著師云不喚作法身不
喚作第一義亦為說法亦為說真空
師因齋次拈起匙筋云我不供艱南僧祇供艱北僧
時有僧問為什麼不供艱南僧師云我要鈍置伊僧
云為什麼祇供艱北僧師云一箭兩垛有僧拈問祇
如前意作麼生師云好即同榮

師或時以拄杖打露柱一下云三乘十二分教說得
著麼自云說不著復云咄者野狐精僧問祇如師意
作麼生師云張公喫酒李公醉

舉古云有驚人之句僧問如何是驚人之句師云響
舉國師云語漸也返常合道論頓也不番朕跡師云
拈槌豎拂彈指時節若換點來也未是無朕跡
師有時拈拄杖云乾坤大地殺活槌在這裏僧便問
如何是殺師云七顛八倒僧云如何是活師云要作
飯頭僧云不殺不治時如何師便起云摩訶般若波
羅蜜

師有時云遇人即途中受用乃拈起拄杖云拄杖不
是途說話不是途

拳法身喫飯幻化空身即法身師云乾坤大地何處有也物物不可得以空噫空若約点換來將謂合有與麼說話

舉應化非真佛亦非說法者師曰應化之身說即是法身說亦喫作觀體全真以法身喫法身又云飯不是法身拄杖不是法身

師有時云宗門七縱八橫殺活臨時僧便問如何是殺師云冬去春來僧云冬去春來時如何師云橫擔拄杖東西南北一任打野樵

示眾云任你橫說豎說未是宗門苗裔若據宗門苗裔是甚勢梳鳴三素十二分教說夢達磨西來說夢若有老宿開堂為人說法將利刀殺却百千萬箇有什麼過又云將謂合有與麼說話底道理

師一日云拈槌豎拂彈指揚眉一問一答并不當向上宗乘僧便問如何是向上宗乘師云地下閻浮大家搃道得祇如鬧市裏坐朝時豬肉案頭笋坑裏魚子還有超佛越祖之談麼僧云有底不肯師云有底不肯不可商量時便有不商量時便無也若約那箇語話體上會事直言未到見解偏枯

師有時云我尋常道一切聲是佛聲一切色是佛色

盡大地是法身在作箇佛法中見如今見拄杖但喚
作拄杖見屋但喚作屋
師有時云作而無作用而無用乃拈起拄杖云不是
用而無用喚什麼作拄杖
舉丹霞云百骸俱潰散一物鎮長靈師云拄杖不可
不靈也喚什麼作百骸甚處得來
舉一切賢聖皆以無為法而有差別師云拄杖不是
無為法一切不是無為法
舉誌公云雞鳴丑一顆圓光明已久師云鵬後昂不
問你三千里外道將一向來

舉睦州喚僧趙州喫茶入水之義雪峰韞縵歸宗攬
石經頭以字國師永梳羅漢書字諸佛出身處東山
水上行樞是向上時節

示衆云直得觸目無滯達得名身向身一切法空山
河大地是名名亦不可得喚作三昧性海俱備猶是
無風匝匝之波直得忘知於覺覺昂佛性矣喚作無
事人更須知有向上一竅在

師有時云一切處無不是說法亦鐘打鼓時不可不
是若與麼一切處亦不是有一切處亦不是無又云
不可說時昂有不說時便無也若約提唱昂未在為

人門中尋得

舉生死涅槃合成一塊乃拈起扇子云是什麼不是
合成一塊得與麼不靈利直饒與麼也是鬼窟裏作
活計

舉僧問南泉牛頭未見四祖時為什麼百鳥銜華獻
泉云步步蹋佛階楞僧云見後為什麼不銜華獻泉
云直饒不來猶較至老子一線道師云南泉祇解步
步登高不解從空放下僧云如何是步步登高師云
香積世界僧云如何是從空放下師云填溝塞岳
師有時云若問佛法兩字東西南北七縱八橫朝到

西天暮歸唐土雖然如此向後不得錯舉

舉祖師偈云心隨萬境轉轉處實能函僧問如何是
轉處實能函師云吃噉石頭老僧倒走三千里又問
如何是隨流認得性師云饅頭餛飩子摩訶般若波羅
密

舉云沙與草監軍茶話次軍云占波國人語話稍難
辨何況五天梵語還有人辨得麼云沙提起托子云
識得這箇即辨得師云云沙何用繫辭又云適來道
什麼又云有什麼難辨

舉古人云以空名召空色師云拄杖不是空名召得

不是空色喚什麼作拄杖不是空名

因南泉示衆云自小羶一頭水牯牛擬向溪東放不
免食他國王水草擬向溪西放不免食他國王水草
不如隨處納些些他極不見復有僧舉似師師云南
泉水牯牛隨處納些些你道在牛內納牛外納直饒
你向這裏說得納處分明我更問你索牛在後長慶
云你道古人前頭為人後頭為人

舉王大玉向雷峰道擬蓋一所佛殿去如何峰云大
王何不蓋取一所空王殿大王云請師樣子峰展兩
手師云一舉四十九

舉報慈讚龍牙偈云日出連山月圓當戶不是無身
不飲金露有僧問請師全露龍牙撥開帳子云還見
麼僧云不見牙云將根來後報慈聞舉云龍牙祇道
得一半師令僧舉我與你道其僧便舉師云我不妨
與你道

師有時云諸方盡向繩墨裏脫出我者裏昂不然僧
問未審和尚如何師云草鞋三十文買

舉攬真成立色相宛然一切法不遷僧便問作麼生
是不遷師云還見燈籠麼僧云見師云靜處薩婆訶
示衆云你等諸人每日上來下去問評昂不無著過

水時將什麼過有久住僧對云步師深喜之
舉僧辭大隨隨問什麼處去僧云峨嵋禮拜普賢去
隨拈起拂子云文殊普賢在者裏其僧畫一圓相
拋向背後却展兩手隨云侍者將一貼茶來與者僧
師舉了云我尋不與麼有僧云和尚又如何師云西
天斬頭截臂者裏自領出去

舉黃檗一日舉手作捏勢云天下老和尚在者裏
我若放一線道從汝七縱八橫若不放過不滴一捏
僧問放一線道時如何檗云七縱八橫又問不放過
不滴一捏時如何檗云普徧有僧問師如何是七縱

八橫師云念老僧年老僧云如何是普師云天光迴
照僧云如何是天光迴照師云豁皆少人知

師有時云一顆圓光明已久還有人問麼僧便問如
何是一顆圓光明已久師云西天斬頭截臂又云除
却須彌山拈却佛殿脊

師一日披袈裟云我拈擻法身也拈無對師云汝問
我僧便問和尚拈擻法身意旨如何師云我也知你
親

舉云沙示衆云諸方老宿盡道接物利生忽遇三種
病人來作麼生接患盲者拈槌豎拂他又不見患聾

者語言三昧他又聞患癩者教伊說又說不得且作麼生接若接此人不得佛法無靈驗有僧請益師師云你禮拜著僧禮拜起師以拄杖便拄僧退後師云你不是患盲復喚近前僧近前師云你不是患聾乃豎起拄杖云還會麼僧云不會師云你不是患癩其僧於此有省

舉古云一言纔舉大地全收師云且道是什麼言自云春鳥啼時西嶺上遂令僧你問我僧便問是什麼言師云噫

舉馬大師云一切語言是提婆宗以此箇為主師云好語祇是無人問僧便問如何是提婆宗師云西天九十六種你是最下種

舉肇法師云諸法不異者不可續息截鶴夷岳盈壑然後為無異者哉師云長者天然長短者天然短又云是法住法位世間相常住乃拈起拄杖云拄杖不是常住法

舉古云一念劫收一切智師拈起拄杖云乾坤大地拄在上頭若透得去拄杖也不見有直饒與麼也是不著便

舉須菩提說法帝釋雨華尊者問曰此華從天得耶

帝曰弗也從地得耶帝曰弗也從人得耶帝曰弗也
從何得耶帝釋舉手尊者云如是如是師云帝釋舉
手處作麼生與你四大五蘊釋迦老子同別
舉世尊初生下一手指天一手指地周行七步目顧
四方云天上天下唯我獨尊師云我當時若見一棒
打破與狗子喫却貴圖天下太平

舉禾山示衆云有作家戰將麼出來時有僧出云未
審彼中還有也無師云格

舉僧問雪峰佛未出世時如何峰橫案拄杖而坐師
云常

舉德山問維那有幾人新到那云八人山云喚典座
來一時生按過師拈云更說什麼生按過

舉雪峰勸僧什麼處去僧云識得尋知去處峰云你
是了事人亂走作什麼僧云莫塗汙人好峰云我尋
塗汙你古人吹布毛作麼生與我說來看僧云殘羹
餽飯已有人喫了也師別前語云築著便作屎臭氣
代後語云將謂是鑄天鷄子元來是死水裏蝦蟇
舉韶山勸僧云莫便是多口白頭因麼因云不敢山
云有多少口因云徧身是山云大小二事向甚處肩
因云向韶山口裏肩山云有韶山口昂向韶山口裏

河無韶山口向甚處肩因無語山便亦師代云這話
墮阿師放你三十棒又代云將謂是師子兒又云韶
山今日瓦解冰消

舉僧到曹溪有守衣鉢上座提起衣云此是大廈嶺
頭提不起底僧云爲什麼在上座手裏僧無語師云
被被不了師代云遠智不如親到又云將謂是師子
兒

舉睦州問僧莫便是清華巖麼僧云不敢州云夢見
華巖麼僧無語師云門前太狼藉生

舉湖南報慈垂語云我有一句子徧大地僧便問如
何是徧大地底句慈云無空缺師云不合與麼道別
云何不庵外問

舉南泉示衆云昨夜三更文殊普賢相本各與二十
棒取向二鉄圍山趙州出衆云和尚棒教誰喫泉云
王老師有什麼過州便禮拜師代云深領和尚慈悲
某甲歸衣鉢下得箇安樂

舉崇壽見僧做餠餅次隔牕問云你還見我麼僧云
不見壽云還我餠餅錢來無語師代云和尚禮拜餅
鑪好

舉僧問趙州如何是好峰頂州云不答你者話僧云

為什麼不荅州云我若荅在平地師代云俱脫和
尚

舉長慶見僧來云何得無禮師代云某甲罪過又云
甲辰乙巳

舉長慶問秀才云佛教云眾生日用而不知儒書亦
云日用而不知箇什麼秀才云不知大道師云
酌然不知

舉僧問睦州靈山還有蛇不州云者蚯蚓師代云白
骨連山

舉長慶拈拄杖云識得這箇一生參學事畢師云識
得這箇為什麼不住

舉雲巖掃地次道吾云何得太區區生巖云須知有
不區區者吾云與麼則弟二月也巖豎起掃帚云這
箇是弟幾月吾拂袖出去師云奴見婢殷勤

舉仰山問俗官云官居何位官云推官山乃豎起拂
子云還推得這箇麼官無語師代云久嚮和尚

舉僧到翠巖值巖不在乃下看主事主事云參見和
尚也未僧云未主事却指狗子云要見和尚但禮拜
者狗子僧無語後翠巖歸闈此語云作麼生道免得

與麼無語師代云欲觀其師先觀弟子

舉座主就華嚴講請翠巖齋巖云山僧有箇問座主
若道得即齋巖便拈起餠餅云還具法身麼主云具
法身巖云與麼則喫法身也主無語本講座主代云
有什麼過巖不肯東使云喏喏師代云特謝和尚降
重空筵

舉雪峰示衆云世象闊一丈古鏡闊一丈世象闊一
尺古鏡闊一尺雪沙指面前火鑪云火鑪闊多少峰
云似古鏡闊沙云這老漢脚跟未點地在後東使拈
問僧爲復古鏡致火鑪與麼大火鑪致古鏡與麼大
西院云與麼問人也未可在師云餽飯泥茶鑪

舉僧問雲居山河大地從何而有居云從妄想有僧
云與某甲想出一鍤金得麼居便休去僧不肯師聞
得云已是葛藤不能折合得待伊道想出一鍤金得
麼拈拄杖便示

舉闍中韋監軍尋常見僧云某甲待官滿出江西湖
南置一問問殺江西湖南老宿僧云監軍作麼生問
軍云不勞手脚僧無語師代云話墮也又云伏惟尚
饗

舉王太博問北院云古人道普現色身徧行三昧佛
法爲什麼不到北俱盧洲院云祇爲徧行所以不到

師云如法置一問來

舉王太尉入佛殿指鉢孟問僧這箇是什麼鉢僧云藥師鉢尉云祇聞有降龍鉢僧云待有龍即降尉云忽遇拏雲釺浪來又作麼生僧云他亦不顧尉云詎墮也云沙云盡你神力走向什麼處去保福云歸依佛法僧百丈作覆鉢勢師云他日生天莫辜負老僧舉地藏問崇壽你久後將什麼利濟於人壽云無不利濟藏云無一法得利濟師云直饒與麼也好喫棒又云當時但喚近前來已後教伊無鷓啄處舉泉州王太傅問僧上座住甚處僧云半月山傳云

忽遇月頭月尾又作麼生僧無語師代云將謂與麼更有與麼

舉龍牙尋常道雲居師兄得第二句我得第一句西院云祇如龍牙與麼道還拄得也無師云須禮拜雲居始得西院云傍觀者哂
舉崇壽問僧還見燈籠麼僧云見壽云兩箇師代云三頭兩面又云七箇八箇

垂示代詔

師因不安云打草鞋行時去無對師云汝問我與汝道僧便問和尚什麼處去師云四維上下對機設教

去代前語云和尚宜喫鹽附湯。上堂云割久雨不
晴代云一箭兩探。或云遇賤即貴遇明即暗代云
一起一倒。一日云咬齒一句作麼生道代云合
或云初秋夏末責情三十棒代云某甲如是。問僧
新羅國與大唐國是同是別代云僧堂佛殿厨庫山
門。上堂云教意提不起過在什麼處代云為你蝦
蟻注。上堂云你道古佛與露柱相交是第幾機無
對師云汝問我與汝道僧便問師云一條條三十文
代前語云南山起雲北山下雨僧又問作麼生是一
條條三十文師云打與。一日云商量舉覺箇什麼
代云鹽貴米賤。或云佛法兩字拈却成得箇什麼
代云死蝦蟇。或云佛法不用學燈籠露柱欺你去
作麼生得不欺你去代云趙州南石橋北。一日云
古人面壁閉却門還透得這裏麼代云這裏是什麼
乾屎橛又云一。或云般柴來去行住坐卧四威儀
中還出得釋迦老子鼻孔麼代云和尚也是量才補
職。師或舉手云古佛為什麼不到這裏代云不可
降尊就卑。因僧設報慈和尚齋師問僧汝道報慈
和尚有幾身代云今日齋飯如法。問僧般柴來去
普賢菩薩在什麼處代云般柴早是辛苦。上堂大

衆集定云是大過惠子細點換代云不用別人

問僧世間是什麼人罪最重代云平出 一日云古

人道一句合頭語萬劫繫驢橛作麼生明得免此過

代云趙州名橋嘉州大像 或云虛空還有長短也

無代云這箇師僧得與麼肥這箇師僧得與麼瘦

一日云常後之見過在什麼處代云洎作過中會

上堂大衆集定云有理不伸死而不弔有理能伸罕

遇奇人置將一問來代云過 師有時問僧作麼生

代云少喫 或云是你諸人繞天下行時不知有祖

師意露柱却知有祖師意你作麼生明得露柱却知有

祖師意代云死九八十一 示衆云一舉不再說作

麼生是一舉又云你若不相當且覓箇入頭路微塵

諸佛盡在你名頭上三藏聖教在你脚跟下不如悟

去好還有人悟得麼出來道者代云艱子之緣代前

語云長安雜樂 上堂大衆集定云風不來樹不動

便下座代云樹折船沉 或云第一句作麼生道若

道不得作麼生得心息代云和尚莫要草鞋拄杖麼

一日云從上古人作麼生辨人代云城地因君置

師因摘茶云摘茶辛苦置將一問來無對又云你若

道不得且念上大人更不相當且頂朱代云切不浪

施代前語云勞而無功。或云今日二十七拈向什
麼處代云壁上挂。問僧三乘十二分教什麼人兼
當得代云沙彌童行。一日云汝作麼生辦得無礙
法代云闍家具。或云還有句內截身麼代云領
一日云京華還有棟梁也無代云家家觀世音
或云不相當且須來識取好代云因學人置得
示衆云割即難七九六十三作麼生道代云不可極
無人去也又云洎合向後道。師或云日裏來往日
裏辦人忽然中夜教取箇物來未曾到處作麼生取
代云瞞却多少人。示衆云看看佛殿入僧堂裏去
也代云羅浮行鼓韶州舞。出堂拈起拄杖云看看
三千大千世界一時搖動便下座代云拽。一日云
作麼生是雙明一句代云一箭兩探。或云作麼生
是不瞞人底句代云莫道這箇是瞞人底。一日云
泥水不分過在什麼處代云昨日莫徯人設齋。
或云日裏來往認識你作麼生是影身一句代云某
甲亦見日頭從東邊上。一日云盡力作麼生道代
云三箇餠餅三椀茶。或云作麼生是平伸一問代
云便擗傍僧。一日云空不異色作麼生道代云園
頭甚要。或云作麼生是不沉影底句代云現

上堂大衆集師良久云久雨不晴代云一樵兩當蓋
覆將來 一日云教中有言謗斯經故獲罪如是枯
却當門齒將經來代云不空罽索 或云你多年在
叢林裏乃舉手便放下云向後不得與麼代云若與
麼便成辜負和尚 一日云昨日有一句語不敢望
你會還有人舉得麼代云驀又云走殺多少人

上堂大衆集定云樞上來也各自東行西行便下座
代云不少 或云古人一言悟道觸緣見性拈起作
麼生商量代云雲居鼓上藍鐘 一日云日裏來往
上上下下一問一答任汝當荷交差一問來作麼生

當荷代云謂言侵早起更有夜行人又云一起七倒
又云生在冀州 上堂云乾坤側日月星辰一時黑
作麼生道代云好事不如無 師因說事了起立以
拄杖打禪牀一下云適來如許多葛藤敗向什麼處
去靈利底即是不靈利底著我熱瞞代云雪上加霜
示衆云日月傍照三天下正照四天下我與你注破
了也一句道將來代云東弗干代西瞿耶尼 或云
佛法不用道著世間什麼物最貴代云莫道這箇是
賤底又云乾屎橛 一日云今日十五入夏也寒山
子作麼生代云和尚問寒山學人對拾得 或云你

諸人傍家行時還識西天二十八祖麼代云坐底坐
卧底卧又云少喫 因齋次指白瓷器云這箇知有
超佛越祖之談代云五九四十五又云和尚自喫飲
一日云是你傍家行時作麼生是不落實主底白道
將來代云便出去 或云是你師僧在江西湖南所
在適夏衣鉢分付什麼人了來代云不是瞞却一人
來又云不作大人相 一日云非貴賤據什麼代云
銀跳不出斗 示眾云看看殺了也便作倒勢云會
麼若不會且向拄杖頭上會取代云龍頭蛇尾蛇尾
龍頭又代作倒勢 一日云龜每日共你葛藤不能

到夜如今在這裏置將一問來代云祇恐和尚不答
或云作麼生是脚跟下一句代云有麼 師或問僧
你為什麼帶累我代云某甲帶累和尚 或云作麼
生出得這裏代云朝遊羅浮暮歸壇特 一日云明
已底人還見有已麼代云把將來又代展兩手
或云作麼生是鑿石一句代云和尚祇待某甲道
一日云你師僧繞天下行脚見老和尚開口便上來
東聽西聽何不向洗鉢盂處置將一問來代云也知
和尚為物之故 因見火頭云你辛苦我賞你這箇
拄杖子吞却祖師也無對代云功不浪施又云禱不

單行 師因披衲衣云吾人道披衣蓋乾坤乃拈起
衲衣抖擻云北斗一時黑作麼生代云也知和尚出
身早又云不道與麼去 或云佛法還有變易也無
代云鉢盂鞋履拄杖針筒 一日云佛法拈却我不
問你還有識世諦法麼代云某甲若道有被和尚領
過 或云摩菟頭正過在什麼處代云有什麼過
示衆云天中函蓋乾坤目機鉢兩不涉春緣作麼生
兼當代云一鏃破三關 師或云南來北往飛禽走
獸爲什麼却有異代云辨却多少人 或云你諸人
擔鉢囊行時不知有佛法佛殿上啗吻却知有佛法

代云佛殿裏爇香三門外合掌 師或以拄杖一
云微塵諸佛盡在這裏還辨得盡麼代云日出東方
夜落西 一日云作麼生是扣門一句代云打
或云迷本底人觸途俱滯悟本底人爲什麼有四大
見代云益州附子建州薑 師或云你諸方愛吞話
還有透不得底句麼代云來 或云達磨西來爲什
麼難得見孫代云故 師因說事了起立云你諸人
忽然今夜悟去早起將刀截却我頭我說了也乃
拈衲衣抖擻云作麼生代云學人不得辜負和尚
或云口祇堪喫飽你道古人拈槌豎拂揚眉動目作

廢生辨代云馮山笠子江西別又云龍頭蛇尾
或云佛法中菩提涅槃真如解脫并爲增語汝道世諦
以何爲增語代云鬧市裏一箇兩箇又云菩提涅槃
師或云古人道觸目是道拈却瞞奪阿那箇是道無
對師云蒼天蒼天代前語云是什麼心行 或云見
即不可子細看代云長安雜樂 示衆云十五日已
前不問你十五日已後道將一句來代云日日是好
日 上堂良久云鈍置殺人便下座代云不獨
因看誌公頌問僧半夜子心住無生即生死古人意
作廢生代云不可捉作野狐精見解也 或云古人

道人久盡有光明在者時不見暗昏昏作廢生是光
明代云厨庫三門又云好事不如無 一日云佛法
大殺有祇是舌頭短代云長也又云大斧斫了手摩
拈 師齋次問僧應是從前叢林學得底言語拈拈
却你道我飯作廢生滋味代云菜裏少鹽醋 或云
是你諸人行時須知有隔身句作廢生是隔身句代
云初三十一 或云大智非明真空絕跡還有人明
得這箇道理麼若有人明得出来道着代云捏
問僧常後底人適在什麼處你與我拈出来代云不
可平地生堆阜又云和尚佛法身心何在 或云

言總舉千差同轍是什麼言代云如是我聞又云要
 道有什麼難 因見狗子乃打一下云你為什麼咬
 這露柱代但以脚趂狗子便去 舉華嚴經云金色
 光明雲青色光明雲你道我尋常還有這箇時節麼
 代云亦不得屈著和尚 因開法堂門云作麼生是
 入門一句有僧云喏師云漆桶無對代云掩面出去
 代後語云道著 一日眾集定云莫錯認一著便下
 座代云謝和尚重重相為 或云是你諸人行脚須
 知有八頭路還有人道得麼出來道看代云也不得
 辜負和尚 示眾云中有一寶秘在形 此燈籠海

佛殿裏將三門來燈籠上作麼生代云 此燈籠海
 云雷起雲與 一日云宗門作麼生舉令代云叫
 師或云阿耶耶新羅國裏打鉄火星燒著我指頭自
 代云非但指頭 師或云從上祖師三世諸佛說法
 山河大地草木為什麼不省去代云新到行人事又
 云和尚京中喫麪多 師或云萬法絃絃三世諸佛
 天下老和尚一時出頭過在什麼處代云著什麼來
 由 一日云忽然有一箇老宿把弓刀按劍入地獄
 如箭射還有人會得這箇時節麼代云鑰匙在和尚
 手裏 或云古人道難得不錯怪人句作麼生是不

錯怪人句代云爭塞得人口 一日云眼睡橫亘十
方眉毛上透乾坤下透黃泉須彌塞却你咽喉還有
人會得麼若有人會得拽取占波去新羅鬪額代云
洒 或云古人道馨香味觸常三昧我與你葛藤乃
拈拄杖云這箇拄杖子是三昧你若識得拄杖子即
識得天下老宿又云你若識得拄杖子未夢見天下
老宿脚跟下一莖毛代云和尚不使別人 一日云
一箭兩探作麼生代云長安雜樂 或云日謝樹無
影這箇是佛殿那箇是無影代云泊分南北 一日
云作麼生道得不落第二問代云洪州海晏 一日
拈起拄杖云解脫深坑教跳代云出 或云一語
得不要分外代云將謂是天地 師或云塵無自性
攬真成立作麼生是成立底事代云五尺拄杖三尺
竹 一日云說即天地懸殊不說即眼裏裏藏身眉
毛上教跳代云三三 或云古人道一語無二語作
麼生是一語代云早朝粥齋後茶 師或拈起拄杖
云是你諸人作麼生辨雲門雲門作麼生辨你諸人
代云平 問僧佛法還有青黃赤白也無代云東方
甲乙木西方庚辛金 一日云作麼生是塵中辨主
代云道州去江華不遠師或云有一人問著口似水

樓有一人問著口似懸河你道二人過在甚處代云
有過即拈出 示衆云叢林言語不要作麼生是
宗門自己代但展兩手 或云迷身一句作麼生道
代云何處有也 或云目前不溺作麼生道代云下
不舉上 示衆云江西說君臣父子湖南說他
不與麼我此間拈不如是你還識譬麼代云何異
一日云作麼生是不續再問代云秋風過去春風至
因齋時聞鼓聲師云釋迦老子叫喚也時有僧問未
審釋迦老子叫喚作麼師云你與麼驢年夢是麼代
云余也喫飯甚是遲 或云我今年老也 也亦

作事難也良久問僧你道淨瓶年多少 對代云
子會 一日云靈利底人難得作麼生是靈利底人
代云不妨 或云問一答十問十答百底人從什麼
處來代云西京來 一日云會佛法底人共什麼人
語話代云行者 問僧云三藏聖教天下老和尚言
語極枯却蝦蟇口裏道將一句來代云昨日新雷起
師舉古人道讀經千徧紙上見經不識忽然國師問
你作麼生又云忽然國師拈起作麼生代前語云噯
代後語云朝看華嚴夜讀般若 或云凡有請問不
得離於祇對作麼生道代云路逢劔客須呈劔

一日云作麼生是一句通褒貶代云雖是善因而招
惡果 或云行住坐卧著衣喫飯是法身那箇是你
四大代云和尚今年年尊 一日云你若辨我我辨
你是尋常更有一條作麼生辨代云識 或云箇角
語須是箇人始得作麼生是箇角語代云麼斯叱落
水 一日云繞天下行脚辨人底人你道是甚麼眼
代云聽水 上堂云遇人昂鼻孔遼天便下座代云
識好惡 師或云鬧市裏道將一句來代便唱聲云
人家莫點燈火 上堂云爲衆錫力禍出私門代云
衆禍已除 或云照盡一句作麼生道代云某甲不
識開報墓口 師在餽餅寮喫茶云不約汝道罪過
無對復云第一須忌火便起去代云大衆不得辜負
和尚 師或云佛法大殺有祇是灸瘡痛代云灸瘡
痛猶可 一日云臨坑不損人代云也是又云某甲
識好惡 或云古人道舉昂易作麼生代云以貌取
人 一日云驀點是什麼時節代云不可道是蝦蟇
蛤蟆 或云不是雲門罪過便起去代云事不孤起
師或云已事若明始消他供艱作麼生是你明底事
又云舉一明三萬里崖州代云一切由和尚代前語
云飽 師或拈起拄杖問僧這箇汝不得道著作麼

生是衲僧孔竅無對又云你若道不得向鼻孔裏道
將一句來代云新羅火鐵鄴州針又云正上不足
因僧來參師拈起袈裟云你若道得落我袈裟縫續
裏你若道不得又在鬼窟裏坐作麼生代云某甲無
氣力 或云不明已底人過在什麼處代云大人不
合如此 一日云放下一句無不盡代云艱子之緣
或云不用指東劃西什麼人會佛法代云三家村裏
老翁婆 一日云你若衣鉢下坐縛殺你你若走上
來走殺你作麼生是不傳之句代云速 或云新羅
國裏置將一問來代云便請 一日云萬法從甚處

起代云糞堆頭 師或云第一句作麼生道你若明

得陝府鐵牛吞却乾坤代云謝和尚重重相為

一日云作麼生是問中具眼代云瞽 示眾云舉一

不得舉二你若舉二放你舉三代云開 師或云天

堂地獄鑊湯鑪炭蓋却你頭三世諸佛提在你脚根

下三十年後鼻孔遼天代云不可更作野狐精見解

也 一日云五音六律是有是無代云不可蝦蟇窟

裏作法計 師或云一句該通五千餘首蘓嚕薩訶

代云三門頭亦鼓佛殿裏行香 師或云如今半夏

也敲磬處道將一句來師復云蜜惛哩孤蜜惛哩智

又云蜜惛哩孤蜜惛哩智作麼生代云鄰林又云磕
一日云三十年後會去在代云點兒落箇 或云頭
上霹靂即不問 時下龍過道將一句來代云朝起
雲夜降雨 師問僧德山便棒你道學人還有長處
也無代云無端 一日云一切智智清淨中還有生
滅麼代云夜叉說半偈 或云若知去處什麼劫中
無祖佛代云發 示衆云作麼生是不露鋒骨句代
云今時人須是明明向道始得師乃有頌不露鋒骨
句末語先分付進步口喃喃知君大因循 或云十
方國土中唯有一乘法你道自己在一乘法壞一乘
法外代云入又云是 一日云經半破三針筒鼻孔
裏道將一句來代云海裏使風山上船 或云折半
列三針筒鼻孔在什麼處與我箇箇拈出來看代云
上中下 或云分疆列土作麼生道代云文殊自文
殊解脫自解脫 師或云衲僧須得已鼻即識得天
下人作麼生是衲僧已鼻代云德山棒 示衆云淺
聞即深悟深聞即不悟代云迷達達磨 或云衲僧
須識古人眼作麼生是古人眼代云蝦蟇跳上天
一日云處處道將一句來代云鬧市裏天子百草頭
上老僧 或云暗道將一句來代云截頭露尾

一日云將南作北將北作南作麼生道代云由阿誰
或云未打板已前道將一向來代云著什麼來由
一日云以有爲有作麼生免得去代云患 師或云
解患非患明得了作麼生是眼代云晝見日夜見星
一日云明暗爲什麼不相管代云難爲怪笑 或云
適在什麼處得與麼難代云辨 一日云渺漫不分
是什麼人分上事代云不可作沙彌行者見解也
師或拈起拄杖云莫道老和尚瞞你貴之與賤縱橫
十字一時這裏會得了莫辜負老僧代云百鳥爲子
鳥又云抑與之與 師或云是麼自云是又云見什

麼代云花 師舉古人云至道無難唯嫌揀擇這箇
是僧堂這箇是佛殿那箇是不揀擇代云何必如此
師或云全抽半抽作麼生道復云作麼生是半抽代
云跳出死蝦蟇又云作麼生是全抽代云紫山雷主
山雨 師或云你自鈍置第一不得錯舉代云事不
孤起 一日云識得道得出來道看話端道什麼代
云識罪 或云作麼生是不再問底句代云今年春
氣早夜來陽鳥啼又云佛殿裏裝香三門前合掌
一日云八夏來十一日也還得入頭麼作麼生道代
云來日十二 師因喫茶拈起茶盞云一口吞盡作

麼生代云茶又喫却 示衆云西天二十八祖唐土
六祖天下老和尚拖出頭來過在什麼處又云你在
世間三冬兩夏忽然出外有人問雲門老和尚道什
麼你向他道什麼代云驀面唾這野狐精代前語
他不是顛 或云古人道從門入者非寶作麼生是
門代云道得也無用處 因聞鼓聲云鼓聲咬破
條又指僧云抱取猫兒來代云不用別人 師問僧
行時事即不問汝三十二相八十種好道將一句來
還有人道得麼代云恒薩阿竭二千年人師或云不
問汝叢林言教這箇是天這箇是地以手指身云這
箇是我又指露柱云這箇是露柱那箇是佛法代云
也大難 師在僧堂中喫茶拈起托子云蒸餅饅頭
一任汝喫你道這箇是什麼代云乾狗屎又云茶又
喫了也 師或云你還識德山麼莫道我歷良為賤
代云也知和尚因某甲置得 師聞齋鼓聲云你道
鼓因什麼置得代云因皮置得 師聞齋鼓聲云你
還識得老婆禪麼代云鼓聲喫喫飯去 一日云
人道巧拙具生殺作麼生是生殺代云正上不足正
下有餘 上堂大衆集已師云大衆齋去却問僧你
道我教子去還有過也無代云也不是和尚特地如

此師行次以拄杖打露柱一下云新羅天子教誨
上梵天代云無端師或云世諦不要道佛法道將
一句來代云父子之情一日云通明底人什麼物
與麼來代云莫教屈著人又云釋迦老子須彌山
或云古人道朝朝抱佛眠起時還共起你道見解
朦底人作麼生代云未到問僧云眼中無色識識
中無色眼色眼二俱無何能令見色去却古人道將
一句來代云把將饅頭蒸餅來又云雪上更加霜又
云有什麼師或云幡竿頭倒卓是第幾機代云打
一句云學佛法底人如恒河沙百草頭上道將一句

來代云俱師因出門云古人道後門入者非寶汝
道後門出者作麼生代云一師入堂齋次指聖僧
供鉢問僧云你若喫盡又在解脫深坑裏你若喫不
盡又不唧啞作麼生代云大眾喫飯次上堂云劃
斷弓不可復云你若不會三十年後莫道不見老僧
代云和尚恐人埋沒代前語云今日上堂大眾著便
師或以拄杖打露柱一下云你作麼生不說禪復
埋沒人家男女無對自云擔枷過狀自代前語
云爭怪得別人師或云湖裏魚變成龍弓不問你
作麼生是針眼魚代云點師聞打槌聲云妙喜世

家百雜碎擊鉢盂向湖南城裏喫粥代云浴後喫

一日云什麼語中無世諦什麼語中無地獄代云天

晴日出雨下雷與 或云平常心是道你平常道將

一句來代云五箇翻餅三箇髓 一日云一句辨邪

正忽有人問作麼生是辨邪正底句你作麼生道代

云西天與此土不同 或云今日已前不要今日已

後不要正當今日道將一句來代云正好 師或云

病遇因即瘥你道遇什麼因道得底道看代云尚

或云鉢盂匙筋與露柱相去多少代云分開好又云

尋常薄世便 一日云當鉢 一句作麼生道代云領

或云作麼生是霧惹風一句代云識取好 一日云

迷身一句作麼生道代云昨日雷聲起今朝陽鳥啼

師或云不用教誨道將一句來代云死蛤跛也無用

處 一日云作麼生是提婆宗代云西天令嚴此土

還較 或云汝道何物具四德代云死猫兒又云把

不具底來 一日云荆棘不彫擇道將一句來代云

拈放一邊 或云有一切見底人是什麼人代云

家村裏納稅漢 一日云不占田地道將一句來代

云極屬和尚 或云倒道將一句來看代云訶薩

一日云息第一句作麼生道代云知時好 師或云

天下亂走將什麼過水代云且曬著 師或時拈拄
杖作射勢云官家進器械來也看看代云和尚不得
放過又云僧堂前 師或云一夜展勝睡天明道將
一向來代云何不快起 或云作麼生是赤脫一
代云也大無端 一日云以有為有此人過在什麼
處代云苦 或云還有不識祖師底人麼代云仁義
道中又云不患 一日云識過無過不識過過也不
知代云勢 或云曹溪路上還有俗談也無代云二
事一時 一日云佛法外置將一問來代云一箇便
多 或云既知來處什麼劫中無祖師代云某甲今
年不著便 或云寸草不生不學禪不學道代云是
什麼閑 或云還有吞不盡白麼代云蛇 師行次
以拄杖打露柱一下云什麼處來自云西天來復云
來這裏作什麼自云說佛法乃喝云欺我唐土人又
以拄杖打一下便行却拈問僧汝道我意作麼生僧
便問祇如師意作麼生代云不用行主又云師子咬
人獲問僧祇如當機合下得什麼語代云發又云高
歲老兒作歌舞 一日云驀劄一句作麼生道代云
因一事長一智 或云大截教將什麼辨代云點
一日云佛殿爲什麼不見僧堂代云痛 或云被僧

鼻孔引不問汝泥裏洗土塊道將一句來代但彈指
又云衲僧鼻孔又作麼生道代云斫山斫水 師或
問僧作麼生是不寐句無對師云汝問我與汝道僧
便問作麼生是不寐句師云哪代前語云不可向鬼
窟裏作活計又云作麼生是啾代云會此意又云文
殊五字 或云作麼生是入弔隨俗底句代云君子
可八 一日云作麼生是提綱一句代云雪峰南趙
州北 一日云靈苗不動根過在什麼處代云悞却
多少人 或云一顆圓光明已久作麼生是一顆圓
光代云謝和尚重重相為 師或云作麼生是對明

一句代云露 師或云非色非聲體上明得幾
幾代云不可向野狐窟裏作活計 一日云布幔天
網亦龍布絲網撈銀據規你道螺蚌落在什麼處代
云具眼 師因錄却七條語僧云汝道來生莫不會
佛法麼僧無語代云和尚幸是大人又云某甲不敢
道復云為什麼不敢道又云自有和尚在 師歲夜
問僧餅餌是羅漢藥石還將得鐸籬子來麼無對
代云今日東風起 師或云你若不相當且向古人
建化門中道將一句來若道不得向異處道將一句
來作麼生道代云前來猶是可 一日云遠尋照近

予明作麼生道代云入水始見長人又云更不要也
師或拈拄杖云且向這裏會也有利益也無利益
不會顛預佛性儻侗真如代云足上不足足下有餘
一日云萬法從什麼處起代云不可向和尚道蝦蟇
口裏也 因齋時聞鼓聲云古人道一切聲是佛聲
喚作佛聲喚作鼓聲代云和尚道了也又云和尚不
宜喫麪 因見僧來參師打露柱一下云來這裏瞞
我代云但打露柱一搥云為人自安 一日云至道
無難唯嫌揀擇作麼生是不揀擇又云如來妙色身
羅羅參代云不出代前語云古人道了也 因齋時

打腰疼一下云這箇喫又打飯牀一下云這箇不喫
代云一搥兩當 因般米問僧人擔米米擔人代云
擔得又云般米辛苦猶是可 又問僧大橋有多少
米僧云七十碩師拈起拄杖云七十碩米一時在拄
杖頭上擔將來昂得若擔不得餓殺你代云不可爲
小小 一日云有所說野干鳴無所說師子吼我與
麼是野干鳴作麼生是師子吼代云九九八十一
師或云埋沒兩字不用道著代云深領和尚慈悲又
云因某甲所置 師或云善財入門也作麼生道得
出去代云朝遊羅浮 師或云翻餅從你橫咬豎咬


不離這裏道將一句來代云今日新麪一日云有
寬有罰道將一句來代云遇賤昂貴英暗日出或
云龍濟師溺起自何來作麼生是不活底句代云有
什麼難辨一日云敲磕一句作麼生道代云驢生
駝駟馬生騾或云作麼生得道斷商量代云來年
更有新條在惱亂春風卒未休一日云辨得親踈
爲什麼被親踈所使代云阿誰置得或云古人道
會尋途中受用不會尋世諦流布完圖道將一句來
代云一錢兩箇二錢三箇一日云一句道將來代
云正上不足因夏末問僧初秋夏末末禪平常道
將一句來代云初三十一中九下七師問僧通身
是水阿誰喫代云泊與和尚作笑具一日云三日
不相見不得作舊時看作麼生代云千

雲門匡真禪師廣錄卷中

住福州鼓山圓覺

宗演

校勘



Vertical columns of text, likely bleed-through from the reverse side of the page. The text is faint and difficult to decipher due to fading and the age of the paper.

Vertical columns of text, likely bleed-through from the reverse side of the page. The text is faint and difficult to decipher due to fading and the age of the paper.

